


葛瑪蘭廳志

ル 4
1106
4



門 4
110C
卷 4



... 志卷四上 ...
... 以培 ... 人才 ...
... 於浪水 ... 必盛 ...
... 於天 ... 去 ... 二千餘 ...
... 州 ... 州 ... 州 ...
... 聖 ... 聖 ... 聖 ...
... 聖 ... 聖 ... 聖 ...
... 聖 ... 聖 ... 聖 ...

臺灣府噶瑪蘭廳志卷四上

學校

書院
應試

膏火田
選舉

學規

主講

仰山社附

庠序以培養乎人才也而書院卽以輔成乎庠序其
為功較近而捷焉蘭之廳制一視澎湖而初猶附試
於淡水則以人文必盛乃建專學非故緩也蓋有待
也夫明去漢二千餘載而後邱文莊海忠介崛起於
瓊州况蘭泱泱表海佳氣蜿蜒將必有涵泳

聖涯蔚山川而開風氣衍閩學而配

孔庭者近在目前講院特其嚆矢耳志學校附選舉

書院

仰山書院 在廳治西文昌宮左以景仰楊龜山得名嘉慶十七年委辦知府楊廷理創建三楹旋圯道光五年通判呂志恆移假文昌祠東廂房為山長安視之地并於東首臨街建一門樓額曰仰山書院十年夏署倅陸廉乃即舊址重建一廳二房一厨竈連一曠地大可數弓蒔花樹果編以枳籬西接敬字亭南連行香官廳外又護以板墜門亘以短小牆砌石鋪甃牆疏明爽雖肄業學舍無地兼營不可謂非小結構也

膏火田在阿里史等社由查丈開欸撥充院租項下年折收番銀壹千陸百圓有奇

以糧書征催田租以禮書經其出入

膏火每課生員三名賞銀貳元童生上取十名賞銀伍元伍角末冠童生四名合賞銀壹元課期每八人備席壹張發錢伍百文每卷一本發錢拾文

院長束脩與盤川隨時無定惟聘金陸元膳金月各拾元年節三次儀各肆元附敬使各壹元又兩節及開館撤館各折席銀叁元具有定數每月言課一次師課一次大率以初二十六等日為期

院長家器生童椅棹隨時酌補

年給禮書紙筆資銀貳拾肆元院夫工食銀拾貳元又拾字紙工食銀拾貳元

又訂歲科各試支給盤川童生各肆金

全任增至十二金徐任人多增

八取進者再賀拾金生員名陸金鄉試名捌金取中者再賀兩榜者再賀

案歲科兩試及鄉試各盤費詳後第四頁案語

附考

楊廷理蘭城仰山書院新成志喜詩龜山海上望巍然追溯高風仰宋賢行媿四知敦築範道延一綫合

真傳文章運會關今古理學淵源孰後先留語諸生

勤努力堂前定可兆三鱣

按楊文靖時字中立將樂人與游定夫立雪程門為二程高弟其學以身體心驗為主一傳羅豫章再傳李延平延平傳子朱子實為閩學宗倡學者稱龜山先生而楊守取以錫書院蓋即隱以之自况觀詩中四知三鱣兼及楊伯起事可知乃蘭士中或謂是取高山仰止或謂是仰蘭地之龜山又或謂孔子作龜山操義取望魯或謂仰山本巖名不知仰山香巖見

傳燈錄乃高僧號豈巖名耶諸說皆未玩及此詩因附錄之俾勉承道南之緒云

道光五年三月呂志恆存記昭得蘭廳雖設有仰山書院名目因乏經費並未創建本廳於道光三年七月屢任查知各生童每逢課期俱在

文昌宮作課而宮僅有厰廳一間三楹後廳五楹又供奉關聖帝君神像不蔽風雨心甚歉焉連年以來差務頻仍又無力為之建造乃延請林山長居於署內主講亦非久遠之計因恭請

關聖帝君神像供於前廳以

文昌帝君神像移居後廳重加修葺廳上安置門廳兩旁

或獨力經營扣木置義學書院次第成功
爲多士儀型文風丕振以備

國家文明柱石之選本廳有厚望焉該房其凜遵切記
毋忽此諭

按蘭雖自楊太守創建之始設有仰山書院至高前
廳延師開課議將設屯未准之阿里史等社餘埔租
穀改作生童膏火之資仍未詳明立案道光元年署
廳姚瑩整頓章程始有泮泮青衿附入淡水廳學四
年甲申公適在府幕議定蘭制奏咨事宜併爲轉請
道試拔取一名歲以爲常中如緩陞新墾撥給隘糧

鹽不加銷契免重稅經理番租不配商船諸惠政蘭
人尤感戴之十二年秋全陞廳既給應道試者名各
十二金仍於文昌廟右依照呂前廳存記另建書
院一所經置捐簿擇吉上梁惜至今猶未落成也

案全前任時每童生歲科郡試名給盤費銀十二元
生員省郡試名給銀十元就書院程穀項下動撥
支銷嗣經由蘭開考生童日增勢難敷給失任以
來鄉試盤費十元如故郡試定章每次總發銀八
百五十元除以五十元貼禮房資送冊費外其八
百元交誠實虞保分帶赴郡內除生員名給十元

外其餘按各童生名次之多寡勻給承領以昭平
允至前項租稅如遇前手並無餘剩及未經開征
歷係官廳需款墊給者概不征收歸補統計書院支
銷舉凡修金膏火等項概由院夫飯食拾字
工資以及修葺一切等項再計三年之內
量代各式之各項雜項以不至絀倘若有墊
無徵無從歸納所以度支者切勿以前
下金世和之為據如撥抵浮工緣生童
人化孔...

學規

覺羅四明勘定海東書院學規 錄四則

一敦實行 讀書所以致用也聖賢垂世立教詩書
禮樂易象春秋之文於以發揮義理非是為一場話
說欲使人躬行實踐體驗於身心而推諸家國天下
之間今學者開口便云讀書到底讀書將為甚事此
處宜自猛省倘徒慕讀書之名而於倫常行已間多
不可問則所為讀書之本已失雖能讀破萬卷作絕
妙文字亦何以質聖賢而盟幽獨故人既自拔於流
俗將以聖賢為必可為凡一切言動視聽以及五常

十義之倫逐項須要認真毋得仍前忽畧則士修之家而獻之

天子之廷將爲言坊行表之儒矣

一看書理 朱子云讀六經工夫多得效少論孟工夫少得效多程子曰論語孟子既治則六經可不治而自明矣由程子之言思之一部四子書句句皆切於學者操存涵養之要廣其體驗之功修齊治平之實非若他書之告身無用也 六其 恍然編怪今之爲講說者不顧此言而曰六經之書皆虛也 通更有一和言其所謂習者其創創在上一兩句書旨

定一閒架強以聖賢言語來湊合大抵多爲時文立柱穿插起見不知與聖賢本意已去千里程子云讀書須濯去舊見以來新意又云學貴自得不可以相類泥其義朱子云某說書不敢先立一見橫生一解惟平氣虛心以求聖賢本意之所在合茲以觀學者看書不當泛泛以書博我而當以我看書字字句句實從經文傳注涵泳而出而又一一皆體之於身驗之於心脗合無間則積漸久心地光明自能脫然有會通處由是而六經而子史亦易爲力矣至若時下講章便於舉業則汪陸二大全外金壇王氏之匯叅

一書為得其要領云四書大全一書乃明永樂中胡廣等所編凡三十六卷國朝汪份武曹陸隲其稼書皆嘗為之訂證匯參王步青罕皆著

一正文體 道之顯者謂之文自有天地以來蓋已
有之顧代各異尚體亦數變見諸六經性理文心雕
龍文粹文鑑以及八家所自序說其論詳矣至有明
鄉會兩闈以八股取士本荆公經義而參以帖括遺
意學者代聖賢立言於以發揮天地民物之理其一
定繩尺比諸詩賦論策更宜細意熨貼故至今遵守
而不變也顧有明文字成化以前祇依傳註直寫恰
如化工之肖物一字不可減增此太羹元酒之味朱

絃疏越之音非可以擬議而得矣迨正德嘉靖之年

堂皇肅穆正大昌明淵淳嶽峙文至此可云極盛隆

慶萬曆第講機法而氣度漸即於輕佻此為日之既

昃乎然尺度謹嚴猶不失先民矩矱天啟崇禎諸君

厭其卑弱欲起而矯之苦心孤詣窮幽極險以規模

唐宋大家才情魄力誠足以橫絕一代然支離龐雜

不合於經者亦有之我

朝氣運昌隆人才輩出

國初如熊鍾陵劉黃岡諸公外張京江素存韓慕廬元

李文貞安溪公輩皆能精理內涵浩氣外達誠足

以日月經天江河行地矣即近代以來風氣稍異而
清真雅正

明訓昭宣其作文直抒所見者如桐城方氏苞字靈臯舟

方林附金壇王氏汝驥松渠宜興儲氏欣字同人又

百川稿張百川曉樓任翼聖鈞臺啟連敦家

雄文掌文諸子而經畚堂為盛

實能以濂洛關閩之理運王鏊唐順之歸有光謝友

信之法者學者尤不可不奉為圭臬至夫合選善本

如
欽定四書文乾隆元年方苞奉編起明化治訖於外王罕

皆分種八編由啟蒙式法至老境別殊有層級可循

無弔詭龐雜諸弊宜所傳習外若矜奇好異軋苗字

句以眩聽聞概所弗錄文心雕龍十卷梁劉勰撰上

之由於文章利弊窮極微妙唐文粹一百卷宋姚

鈔編其書刪掇文苑精華而稍附益之蓋欲救五季

文弊不免矯枉過直然鑿裁精審去取謹嚴實為總

集善本宋文鑑一百五十卷呂祖謙奉勅撰所錄

關於學術治法者最多唐宋八家文鈔一百六十

四卷明茅坤編八家定自朱右而右書不傳世稱八

家實沿坤此編八家者唐昌黎韓愈退之柳宗元子

厚宋廬陵歐陽修承叔眉山蘇洵老泉東坡軾子瞻

穎濱轍子由及南豐曾鞏子固臨川王安石介甫

國朝儲欣更益以李翱習之孫樵可之為十大家云

一崇詩學 詩以理性情學者所宜習顧自樂府雜
擬以及五七言古諸體派別各殊格律亦異今
天子覃敷文教更定取士程式自丁丑試貢士於禮闈易

二場表判加試八韻詩一首厥後著為

令甲凡直省鄉試以及學臣科歲兩試或八韻或六韻

皆得諧聲比律學為應制體比年以來士之喁喁向

化者諒無不揚風挖雅以漸至古之立言者矣顧館

閣及省試詩並稱應制體昔人嘗取少陵題畫冕旒

俱秀發旌旆盡飛揚句為館閣詩定式又取東坡論

書端莊雜流麗剛健含婀娜句為省試詩定式然吾

觀省試詩較館閣尤為不易蓋三條燭盡排比聲病

諸律既足以窮縛才思而風流婉麗鏗訇鐘呂之音

非沐浴於高文典冊中者亦未易展發其聲華故古

人於試帖詩罕所恆心即今讀文苑英華所載唐省

試詩十卷惟沈佺期宋之問元微之白居易諸鉅公

庶幾完好外其餘多瑕瑜不揜則地有以限之也諸

生倘欲習之有素宜取唐人試帖如國秀集中興開

氣集近光集近代試帖如玉堂集和聲集依永集等

書朝夕諷詠心和手柔自足以鼓吹

休明而無鄙野之譏矣

文苑英華一千卷宋李昉等奉勅編蓋以續昭明文選故托始

梁末而下迄於唐國秀集三卷唐芮廷章編所錄

率皆精美非後來詩社所及中興開氣集二卷唐

高伸武編所錄起至德初迄大厯末姓名下各有品

題近光集三卷元周伯琦撰乃後至元庚長至乙

西山編修歷擢崇文監丞時作述朝廷典制

為多玉堂和聲依永三集皆近時試帖

楊桂森白沙書院學規 錄三則

一讀書以立品為重立品莫如嚴義利之辨試思伯夷叔齊何以能流芳千古不過於義利辨得明雖餓死而不改其節所以傳也讀雞鳴而起一章要想到舜蹠之辨有一念爭財謀利之心便是盜蹠有一念矜名重節之心便是聖賢若口讀詩書心想銀錢是盜蹠也要占便益只顧自己亦是盜蹠也欲嚴義利莫如忍莫如讓如窮苦要忍得住毋去騙人磕人錢財田產且讓一番不可爭競總是我輩念書人要將氣骨撐得住毋為銀錢所害便是身立千仞之上

一讀書以成物為急讀書人不是單行自己的事譬如我能孝弟那些不讀書人不知孝弟者都要我去勸導他見他孝順父母要誇獎他見他忤逆父母要婉言勸戒他見他爭財爭利要把聖賢道理解他須先覽曉得古今興亡得失忠佞之辨自己便有輕濟臨事自有決斷有把持

方正學 孝孺學辦 人莫不為學而學必有要焉五經者天地之心三才之紀道德之本也善學者學諸易以通陰陽之道性命之理學之詩以求事物之情倫理之懿學之禮以識中和之極節文之變學之書

以達治亂之由政事之序學之春秋以參天人之際
君臣華夏之分而學之大統得矣然不可驟而進也
蓋有漸焉先之大學以正其本次之孟軻之書以振
其氣則之論語以觀其中約之中庸以逢其原然後
六經有所措矣博之諸子以觀其辨索之史記以質
其效歸之伊洛關閩之說以定其是非既不謬矣參
天下之理以明之察生民之利害以凝之踐之於身
欲其實措之於家欲其當也內燭之於性欲其無不
知也外困辱而勞挫之欲其著而不解畜而愈堅也
夫如是學之要庶幾乎得矣發之乎文詞以察其淺

深覈之乎事爲以考其可否驗之乎鄉邦以勉其未
至日量而歲較晝省而夜思之功既加矣德既修矣
出而任國家之重位則澤被乎四表聲施乎百世矣
處則折衷聖賢之道稽續古今之法傳之於人著之
於書以淑來者豈不巍巍然善學君子哉 遜志齋集
又深慮論第五 治天下有道仁義禮樂之謂也治
天下有法慶賞刑誅之謂也古之爲法者以仁義禮
樂爲穀粟以慶賞刑誅爲鹽醢故功成而民不病聖
人之爲仁非特曰仁而已矣必有仁之政欲民之無
饑也口授之田欲民之無寒也教之桑而帛麻而布

欲老者之有養祭享賓客之有奉也教之陂池而魚
鼈牢柵而雞豚欲民之安也不爲苛役以勞之欲民
之無夭也不爲煩刑以虐之親老子獨者勿事胎育
而貧者有給以至於獵而不傷麋卵雉而不斬萌蘖
皆仁也其爲義也必有義之政上之取之也有常用
之也有節均之也有分疆界也以防其爭鄰保也以
洽其歡車服也以昭貴賤衡量也以信多寡饑寒也
減其力役之征畧其婚娶之儀學於閭也使其知長
幼之序書於鄉也使其知善惡之效推而至於安生
而達分尊上而趨事皆義也爲禮之政而使民自揖

讓拜跪獻酬之微各極其敬以至於五倫敘而三綱
立爲樂之政而使民自詠歌搏拊舞蹈之事充而大
之至於和樂忠信不怨不怒而易使聖人之用是四
者持之以堅凝守之以悠久如待獲於秋濬泉於深
必得其效而後止四者之化成天下之民膠結而不
可解有未齊者從而以法令之則令之易服而治之
不難故三代之民非異於後世之民也後世之民常
好亂而三代之時未嘗有一民爲亂者治之者異也
仁義禮樂入其心民雖知可以爲亂而不能賞罰旌
誅動其心民雖欲爲亂而不敢不能者有所恥不敢

者有所畏也治天下而能使人恥於爲非雖無刑罰可也恃法威而使民畏民其能常畏乎及其衰則不畏之矣三代以下雖有賢主而不足致治者欲使民而不知仁義禮樂之說也故爲治者不可以不察也又與郭士淵論文 秦漢以下大率多記載講論之文耳求如古之立言者未之多有也然而猶足以名世者其道雖未至而其言文人好其文故傳其言雖不文而於道有明焉人以其明道故亦傳 又送牟元亮郭士賢序 文所以明道也文不足以明道猶不文也三代以上斯道明故其文簡三代以

降道晦而不章人各以意求之故其文繁聖人之言如書易春秋之所載孔氏弟子之所述片辭可以善其身而治天下豈好爲畧哉無所用繁也莊周荀卿之著書其辭浩浩乎若無窮於道邈乎未有聞非工於言而拙於道也求道而不得從而以言窮之雖欲簡而不可致耳然其文猶未弊也自夫不徇道而徇人不求合於古而求合於今者始相如開其源崔蔡暢其支魏氏迄於唐初助其瀾者盈天下天下之言文者諛乎人而已矣宜乎時而已矣何有於道哉唐之中世昌黎氏嘗一反之而道不足以逮文宋之盛

時程氏嘗欲拯之而文不能以勝道歐氏蘇氏學韓氏者也故其文昌朱子張氏師程氏者也故其道醇合二者而有之庶幾不愧於古乎而天下未見其人也匪遺乎今不足以追古匪弗顧乎人不足以明道匪有得乎道吾未見其能文也

按為學為政為文得源流舍此不務則俗儒矣

沈維鏞校士錄序 行文之要曰理曰法曰才曰氣本領則在讀書 國家以四書文取士一以朱子章句集註為宗所以一有司之繩尺而端學者之趨向非漫然也嘗讀朱子教人讀書法曰大學以定規模

論語以立根本孟子以觀發越中庸以求古人之微妙讀此四書然後更看詩書禮樂又曰先讀語孟然後讀史如明鑑在此而妍醜莫逃夫所謂讀書者豈如今之舉業家斤斤於文義口氣離合向背之間以為八股之用否則訓詁名物專意攷訂甚且黨枯讐朽聚訟紛呶而不切於身心之務也哉必也循樂子讀書法六條而沈潛反覆於章句集注以上溯濤泗之大義微言又博觀文集語類諸書循其本末先後之序而實致其功即凡修己之實處事之方居官型俗之要無不講明切究實踐躬行庶乎理與心相融

身與道相習由是本其躬行心得而發爲精粹切實
之文理明詞達所謂有德者必有言故足貴也非然
者四書不明無以得在我之權度於日用治心修己
之處毫無省察如薛文清所言一時所資以進身者
皆古人之糟粕終身所得以行事者皆生來之習氣
與不學之徒了無以異徒役役焉繡其鞶帨華世取
寵舉昔聖先賢之垂訓盡視爲出身干祿之階梯無
論文不能工卽工矣而畔道離經其於士習民風可
憂非淺鮮也程子曰科舉不患妨功惟患奪志誠能
不挾利心以讀書則志先定矣又知讀書不僅爲作

文則功無荒矣於以黼黻昌期備楨幹棟梁之選詎

非厚幸歟

從事

按上兩條是論古載道之文此條是論今
科舉之文皆從根本上立論學者當知所

主講

楊典三字寅齋湖南湘潭歲貢生與故倅高大鏞有成好
簪筆來蘭蘭故有書院未及延師開課而已就圯矣大
鏞至草創章程延典三始為主講自嘉慶己卯訖道光
辛巳初未嘗規鹿洞會鵝湖也典三足不出署寬以待
諸生恕以衡文字於是入獎賞者皆得其意以去雖教
無他術殆亦啓牖初化之一道乎廳士子引為開山教
也祇今以祿位奉之

附考

會典書院師長不分本省鄰省已仕未仕擇經明行

修足為多士模範者以禮聘請丁憂在籍人員理應杜門守制不得延請書院教官本有課士之責不得兼充書院師長謹案乾隆三十年奉

上諭改書院山長之稱為院長

謹案唐韓昌黎詩集有副司門盧四兒雲夫院長望秋作

又湘山近事五代蔣維東隱居衡岳受業者號為山長是院長之稱尤古於山長也道光二年奉

上諭各直省所屬書院務須認真稽察延請品學兼優紳士住院訓謀其向不到館支取乾修之弊永遠禁止煌煌

聖訓固院長與有司所當共凜焉者也

吾學錄

仰山社

蘭無所謂義學并社亦不得為學惟蘭士百數十人中自

相訂盟捐有薄置每歲四仲月即在仰山書院內一會文酒盡日完篇擇其品優學裕者請定甲乙七名以內贈筆硃墨有差名曰仰山社

署倅烏竹芳序 蓋聞五步之澤必有香草十室之品

必有忠信况噶瑪蘭環山面海幅員百三十里

原作五

雖地屬新闢而間氣所鍾秀靈所聚將來必有大發其祥者蓋上天之降才原不限於遐域也余以乙酉夏來攝斯土訪其俗朴以醇問其民直以愨察其學校之設則有仰山書院每於公餘之暇按月考課因得與諸生相接而仰山社附焉則見多士濟濟蔚然挺秀有蒸蒸

日進之風苟稍激勵而裁抑之庶泮水芹藻之休小大從公之盛無難復見於今茲焉雖然文教之興倡率在上而輔翼在下使無首事之人以約束而董勸則成人小子廢棄而無成文運亦靡靡而不振無他其始不立其卒不成有由然也今得首事諸生毅然以扶持文教爲己任捐金置田議立科條加以獎勵並丐余爲文以志其盛余思棫樸菁莪朝中著作人之化山陬海澨俊英招從父之風將見誘掖獎勵鼓舞奮興郁郁彬彬咸吟風而咏月魚魚雅雅亦咀華而含英折桂苑之枝斧修月殿預杏林之宴人醉春風從此甲第連科人文蔚

起何莫非諸生之義舉有以獎勵而玉成之也哉余幸文教之日興而喜首事之有人也於是乎序

文苑之可觀者皆在斯人出而為文
豈可與於進士之選哉

應試

噶瑪蘭道光十九年巳亥九月初二日廳中奉

臬道兼學政姚 批准援照澎湖廳例將府縣兩考併

歸蘭廳就近錄取選送道考其餘一切事宜着即會同

臺灣府妥議詳辦在案

附考

蘭以未建專學不設學額向附童子試於淡水廳歷

屆歲科酌撥一名附隸淡學自嘉慶丁丑年奏定後

至道光元年辛巳始有林濱洲一名入學迨巳丑癸

巳丙申有三次加撥府學酌進兩名亦或竟有不取

進者至是兼學政姚瑩詳請援照澎例由廳開考得
應試者二百十有三名二十年春通判徐廷掄因就
膏火田盈餘項內每名資送八金時赴道試者百有
五人與淡童人數不相上下取進黃纘緒等三名皆
撥府額爲開蘭未有之盛其札廳云該廳如無廩生
責成該增附生互相保送道考仍由淡廩揆認其取
進仍歸入淡水廳額以符定制蓋仿學政全書內載
乾隆四十五年澎湖初設事例云

庚寅冬陳淑均書仰山齋壁 背赤嵌而東折約四
五百里得噶瑪蘭實與崇爻傀儡逼處野番地僻而

險道光壬午夏淑均視叔父疾挾醫渡淡水淡水經
設學廳額六名噶瑪蘭附焉均初至廳淡之新艫見
其人飽稻飫豕十九如匏其讀書美秀而文者談吐
清雋則與其山水相彷彿然距郡僅八九程其人且
不甚試亦輒不如意往往老其材於荒榛蕪蔓中
而不復顧惜及丁亥冬應聘再至淡其明春戊子舌
舁於艫乃稍稍與蘭士有文字之交又明春己丑而
蘭士中負笈者三以文摯者一詢之則皆曾試於臺
闕其課藝亦清而腴直而不絞與淡士並循蹈於規
槓今春趨之試則淡旣冠軍蘭亦果列前茅補弟子

員私心識之以為蘭地錚錚者耳居無何入蘭謬赴
仰山席五月初甄別甫近百名六七八月續而附者
又三四十名其人非訓蒙大抵即受經師業其文雖
典麗不足而清剛簡貴率各肖乎其才視余向者之
所許可既不一而足而其肄業在院夕考而朝稽者
尤實地於淡艸於是進諸生而策之曰書院者為學
校儲備人才而非即以此進退乎人才也原

國家取士之意三年一大比年餘一歲科惟不欲促其
程以躁進而又恐士之或荒於嬉也爰置書院以季
考而月課俾之功勤則業不墜廩裕則志不紛而選
精則材尤不濫以此收效較捷用勸學校之不逮耳
今諸生按課則百十數人而附淡廳試乃僅二三十
人迨應道府試則又無過十人得非宋人之燕石曾
遇周賈乎抑荆人之抱璞待時而後獻耶處

壽考作人之世生為男而列中華幸何如之諸生非自棄
者諸生其必有以自奮也言未訖有老宿軒渠於側
曰先生休矣先生獨非自郡國上計來耶淡水初合
試於彰化額則十有三當是時竹南人士越宿至矣
而艸川則無有應之者自嘉慶壬申一建專學加撥
府額艸川無案不朋進今且給廩輪貢薦賢書者勿

見側出豈非以近者易從而遠者難赴乎蘭陽距郡將千里往返二十六程祇撥一名耳又必先試於竹塹多一往返十二程則跋涉已自困頓加以籌備盤川預料家計約輸七八十金然後出而逐隊又誰將以難得之經費求無定之功名者故自開蘭至道光初年始有一二士著叨附膠庠而童生則前後相望不獨此期課百數朋輩可抵淡人試數已也均曰誠如是乎盍籌公費曰有書院膏火田人給四金未足也盍計私蓄曰私蓄不足恃歲訓蒙三五十金惟衣食無待給者積歲差堪一試而試必權教則潤分於

友歸不逢時則招乏其徒以此一停頓又延三載而待給者無論已均曰是也如君言豈敢憚行畏不能趨然獨無登舟之一法乎則曰蘭之與臺自泖鼻山南北異風潮汐反眈雖澎船來鹽貨回空可以抵郡然或限於滬尾止於雞籠非夏月不入港矣均曰何不駁載則曰澎船回載匠料南去紆遲北來則輕颺矣而嘉彰一帶時有劫奪孤客之危恐舟行之苦反甚於陸故事臺觀察歲一按所部得至蘭或請就試惜蘭不由本廳錄送而順試固無其例均曰無例不可行然有一間初設廳諸制準澎湖澎廳得自試送

道由一名酌撥至四名諸生何不請以澎例者例蘭
乎抑蘭之附試於淡也又何不以淡彰合試之例通
同去取毋庸另爲限額乎則皆曰否否澎廳著有成
例半帆抵郡日未西蘭則自初設廳議附淡學此後
無復肯以澎例爲援者卽援未必濟濟亦非一輩之
可杭此其限於地乎若附試而不限額諒又非淡士
所能容此其限於人乎則亦相安於當日之爲淡艦
者而已語畢諸生揖退乃仿孫可之書褒城驛條其
言於壁

辛卯冬閩屬生監楊德昭等呈稱爲蘭童進階廣求
便益僉懇署倅薩廉恩准比例詳請核施事其畧曰
竊以人文不囿於山川而士氣端資於培植噶瑪蘭
僻在臺灣萬山之後自嘉慶十五年歸入版圖文物
丕變至二十年翟前廳因於覆奏案內附請考試一
着詳稱地雖初闢而其遷居士民卽係淡水嘉彰等
廳縣之人隨其父兄挈家入山延師訓課內查有應
童子試者五十六名初學作文者四十八名請援照
澎湖成例歸入蘭廳開考附送道試旋因淡水廳適
置專學二十二年覆准以蘭童附入淡試每屆照澎
廳例酌進一名仰見

壽考作人之世澤及遐陬凡諸蘭士一體觀光正當感奮
下懷以圖上進亦何敢別生覬覦惟念該士子自開
廳之初置有仰山書院按期季考二十載來疊荷新
舊廳主栽培漸有起色現入書院肄業者陸續有一
百四十餘名其未入書院而遠鄉教讀者有三四十
名又有初學詩文漸可應試者六七十名不計外實
在蘭屬童生確有一百八十餘名較之淡水試童歷
屆甫及百名委係有贏無絀乃近科以來附試淡童
每不過二十名左右及至應道府試從中又有不到
者推原其故皆由開考之時或仍赴嘉彰縣試或卽

入淡水廳試稱爲祖籍皆以取進之途較廣於蘭不
惟官無從禁卽與試在場之親朋亦無從而向阻甚
至取進入門其父兄轉以爲得計歲科相率效尤紛
投回散反若視蘭籍爲畏途者昭等忝列膠庠素知
朝廷典制必歸一律似此紛歧未免名是而實非因查
噶瑪蘭當日設廳事宜件件皆仿照澎湖成例今澎
湖童生五六十名歸廳考試送道附進臺灣縣學牛
帆可以抵郡而噶瑪蘭附淡廳竹塹考試往返程途
十三四站至府則將千里往返二十六日較之澎湖
水陸已自懸遠又查淡水未設學時童生附彰化縣

試不另限額合取進十三名往返四程而已今淡廳學額六名加撥府三名合有九名噶瑪蘭既附試於淡水卽不必仿額於澎湖昭等愚昧竊以爲同一臺灣同一試典噶瑪蘭若仿照澎湖酌撥之例似應請卽照澎湖歸入本廳開考將其名冊於送道時取進之日仍附淡水廳學照常管理似爲公便若仍附淡水廳試應請卽仿照淡水附彰化縣試之例合同去取似可不限以另額庶鼓舞蘭士寬之以上進之階自不致一廳童生而分投四處其從前以祖貫而進入淡水嘉彰等學者亦請着改歸籍則於恩施旣得

其允平者於體制益昭其劃一相應乞乞樂育道士恩准比例據情詳請核轉酌施公侯奕世切呈

己亥三月署倅閣所詳據拔貢生黃學海等僉請示遵節其畧云現在書院肄業者二百六十餘名其遠鄉教讀可以應試者亦不下一百餘名實在蘭童確有二百餘名伏查設廳之始因蘭童較少故暫附淡考試淡廳赴道府試童生百有餘名而取進九名澎湖則一葦可杭至於蘭童路程倍於兩廳而人數實多於兩屬誠得仰邀詳准自廳開考以省赴淡兩月

待試之費則道考赴試童生必多矣且查各廳縣學取進名額恆視糧賦爲多寡蘭境征賦萬餘澎湖固不能及卽淡廳亦可頡頏糧既相若路遠倍之而童生實多於淡可否仰懇請援澎湖連府酌撥四名之例寬其上進之階以伸海澨士氣至旣開考自應建立學校其應首建學宮蘭廳東門舊有畱存官所一地海等僉願按畝捐資修建

文廟兼置學田倘蒙詳准奏設又可免籌經費云云

道光二十二年九月奉

憲准到

部咨抄錄行知內開

禮部爲遵

旨議奏事本年正月二十三日內閣抄出前任閩浙總督顏 等奏請加增噶瑪蘭廳學額並由廳考錄及酌添廩增一摺奉

硃批該部議奏欽此欽遵到部查原奏內稱臺灣府屬之噶瑪蘭廳地處臺郡極北所有應試文章先於嘉慶十九年經前督撫 臣 奏請附入淡水廳學取進在案茲據臺灣道姚 詳稱噶瑪蘭廳自嘉慶十五年歸入版圖計今三十餘載戶口蕃滋經該廳清查現有

九萬三千零內應試文章三百一十八名文風日盛
惟地處萬山之後道路寫遠跋涉維艱若赴淡水應
試不免守候之苦應請仿照澎湖之例由廳考錄徑
送道考又蘭廳並無學額向在淡水學六名之中分
進一名閒歲分進二名今應試文章日多僅進一名
誠不足以振興士氣若多取二三名又有碍淡水之
額應請加淡水廳學額二名共爲八名內以三名分
給蘭童編爲東字號以五名分給淡童編爲炎字號
以昭公允再淡水廳學廩增生向各四名今旣請加
學額二名所有廩增生亦應酌加二名於淡蘭二廳

附生內分別東炎字號考補其廩糧在於蘭廳正供
內照例分撥等語等查定例淡水廳學額進閩籍
六名廩生四名增生四名其噶瑪蘭閩籍應考文章
與淡水文章一體憑文取進今該督等奏稱噶瑪蘭
一廳應試文章有三百餘名之多洵屬人文日盛且
自噶瑪蘭至淡水計程六日有奇由噶瑪蘭赴郡計
程十三日誠如該督所稱兩番跋涉艱苦異常臣等
公同酌議擬如所請准其於淡水廳額六名之外酌
加二名以五名爲淡水額編爲炎字號以三名爲噶
瑪蘭額編爲東字號各由該廳考取徑送道考至噶

瑪蘭廳學額既增二名其廩增亦應如所請各加二名於蘭淡二廳附生內分別東炎字號考補其廩糧在於噶瑪蘭廳正供內照例分撥以免淆混至考試及幫補各事宜悉照向來章程辦理所有_臣等核議緣由是否有當恭候

命下_臣部行文該督等遵奉施行

謹按先於道光二十年庚子奉文由廳開考徑送錄進三名至二十六年科考

提學道熊一本加撥府學一名二十七年以後

現任提學道徐宗幹以道途較遠文卷尚優每科加

撥府學二名爲五名三十年

恩詔廣額案內撥府三名廣廳一名則共進七名矣凡皆仰體

聖天子德周無外

澤遍遐陬俾多士聯翩秀出有蒸蒸日上進之風於以砥行立名爲

國家儲棟樑之選沐

雅化而咏作人其振興固當未有艾也

選舉

舉人

道光二十年庚子科 池劍波 榜

黃繼緒 字紹芳 由府學附生

咸豐元年辛亥 恩科 孟曾穀 榜

李春華 字正芳 由蘭屬附生

Faint bleed-through text from the reverse side of the page, including names and dates.

[Faint bleed-through text from the reverse side of the page, including characters like '舉人' and '道光二十九年']

貢生

道光十七年丁酉科拔貢生

黃學海 字匯東由淡水學廩生

道光三十年庚戌科 恩貢生

黃鏘 字佩卿由蘭屬廩生

[Faint bleed-through text from the reverse side of the page]

臺灣府噶瑪蘭廳志卷四下

武備 兵制 營署 武秩 武功

夫班師振旅而武衛仍奮於蠻荒立政任人而戎兵
方行於海表有文事者必有武備疇以承平日久而
稍弛也哉蘭初置守戎繼添都閩其軍成瓜期一如
臺制向但八十五耳近增超乘之雄足敵戰鞍之數
邀

恩挾纘備濟鞠窮雖戊巳不屯而庚癸則諧何伏戎于莽
尙又煩節鉞來臨也是在城眾志者懲之於積玩弭
之於未萌斯氣銷日月皆銳蓄風雷也志武備

兵制

噶瑪蘭營都司一員 駐蘭城

守備一員 駐頭圍兼轄烏石港砲臺硬枋三

千總二員 一員專防城汛一員為輪防降嶺汛兼轄

把總二員 一駐蘇澳汛一駐蘇澳汛兼轄南關帶領汛兵五十名

外委四員 二協防城汛一隨防頭圍一分防北

額外外委三員 二員貼防城汛一員防加

步戰兵四百五十五名 由內地按

守兵二百四十名 由內地按

砲位十三座 四城門各安一座烏石港口砲臺及頭圍

安一

煙燉

器械 弓箭鳥鎗大砲藤牌等件

火藥 年約需千觔

鉛彈 年約需百伍拾觔

鑼鍋 拾伍口

帳房 拾伍架請

旗幟 大旗五桿副全

馬疋 未配

附考

乾隆三年奏准嗣後臺地如有民人不法等事許令武員移送地方官究治如兵丁生事滋擾許文員關會營伍責懲如有彼此推諉者照例罰俸一年并飭令各該地方官汛防員弁實力奉行彼此按月稽查取具并無兵民滋擾印結轉報該上司查核如或有意徇縱將該地方官照徇庇例議處

噶瑪蘭陸扼生番水趨海溜以雞籠泃鼻爲衛戶以烏石港爲衝喉而不兼設水師者以烏石港沙汕之外卽係大洋港道窄小不能安設營哨惟每屆春夏之交南風盛發著艦艍營水師守備因巡哨之便駕

駛本營哨舟在港口常川巡哨遇有地方有事准蘭廳移會艦艍營帶兵先往策應

陞守方傳樾請蘭營改制文 蘭地民人三籍漳最多泉粵人少漳泉兵不可用也請悉用上府兵以免分類械鬪之隙臺灣城守左右兩軍舊額一千一百六十七名可撥左軍岡山汛兵四十右軍大武壠汛兵三十北路左營原額一千二百六十八名可撥嘉義存城兵八十斗六門汛兵三十鹽水港西螺二汛兵二十艦艍陸路原額兵八百名可撥艦艍汛兵一百凡撥戰兵二百守兵一百以入蘭營其蘭營形勢

五圍城中最要原設守備把總外委各一員額外二員兵丁二百一十五名請改設駐都司一員存城千總一員外委二員額外二員戰守兵三百六十頭圍北當北關東扼烏石港人煙稠密地方孔要原設千總一員兵六十名請改駐守備一員外委一員戰守兵一百隆隆嶺汛爲淡蘭二廳交界接連三貂大嶺俯瞰雞籠柳鼻茂林峻嶺匪民之所逃匿也舊有石堡設額外一員兵二十名請改設千總一員戰守兵五十名馬賽草山之外曰蘇灣接界生番東臨大海可泊大小百艘昔蔡牽朱瀆二逆屢泊舟於此以窺

噶瑪蘭至今南風盛發土匪小船時有藏泊山坑亦有民人私墾昔楊廷理原議於草山下建立南關然地勢平闊關未易建不若於山上建立炮臺土堡以防蘇灣請設把總一員戰守兵五十防守邊界堵緝洋匪加禮遠港在東勢大溪出海之口也沿港皆番社港口僅容小船出入楊廷理原議建炮臺於此似可毋庸請設額外一員兵丁三十名稽查掛驗餘若溪洲汛爲東勢適中向設把總一員兵四十名北關汛在梗枋爲入蘭鎖鑰向設外委一員兵四十名三圍汛在蘭城西北向設兵十名請仍其舊惟炮臺塘

在烏石港口向設兵十名今增五名以上蘭營新增兵額乃由城守北左艦艍三營抽撥與原設兵額及增設營弁合而計之凡都司一員守備一員千總二員把總二員外委四員額外三員戰守兵六百九十五名以爲定制此裁移營制之大畧也至於營署凡蘭營守備存城把總頭圍千總溪洲把總舊皆有署今雖改建各官但稍爲增郭城中更造兵房三十間楊廷理原議加禮遠港建炮臺馬賽山下建南關今改建炮臺於蘇灣則南關之費可省惟蘇灣草山上築一土堡以圍炮臺設把總署及兵房二十間加禮

遠港建外委公所及兵房十間費省而工易竣所有艦艍遊擊改爲淡水營參將與新設噶瑪蘭營都司千總印信鈐記咨部鑄造更給可也道光四年二月議上總督趙慎畛奏行越歲奉改如式時蓋因山匠林泳春滋事兵力單薄議增此也

噶瑪蘭營歸艦艍營參將兼轄新舊兵七百二名由各處抽撥額數

延平協左營兵四十二名內外委一員

延平協右營兵四十一名內外委一員

建寧鎮中營兵四十二名

建寧鎮左營兵四十二名

建寧鎮右營兵四十一名

汀州鎮中營兵三十五名

汀州鎮左營兵三十六名

汀州鎮右營兵三十七名內額外一員

邵武協左營兵四十一名內額外一員

邵武協右營兵四十一名內額外一員

右噶瑪蘭營舊額上府兵三百九十七名

福寧鎮右營兵三十三名

福壇鎮右營兵七名

建寧鎮中營兵一十四名

建寧鎮左營兵十名

建寧鎮右營兵六名

福寧鎮中營兵三十名

連江營兵五十名

長福營右軍兵五十名

羅源營兵三十五名

長福營左軍兵十名

連江營兵十二名

延平協左營兵十三名

興化協左營兵十五名
興化協右營兵十五名

右噶瑪蘭營新撥上府兵二百名卽由戍臺之
城守北左及艦舦三營舊額內所抽撥者瓜代
之時皆准由艦舦八里坌配渡入五虎門

改配臺北班兵 臺灣一鎮水陸十六營班兵一萬
四千六百五十六名自內地五十三營遣戍三年更
替至臺分入各營戍滿由鹿耳門配舟內渡此舊制
也臺北各營至郡道遠跋涉維艱嘉慶十五年總督
方維甸奏嘉義以北班兵改由鹿港登舟時以爲便

既而港門淤淺船少兵眾候配需時道光三年鹿港
行商求與淡水之八里坌口分船配載趙文恪公行
鎮道府議四年正月方傳樾署臺道以問鹿港同知
鄧傳安署淡水同知龐周皆言兵商之困傳樾乃與
總兵劉喜議覆曰臺灣三口對渡鹿耳門與同安廈
門對鹿港與泉州蚶江對八里坌與福州五虎門對
戍兵往來本可量地配載徒爲向例廈門臺郡點驗
之故跋涉迂途臺灣北協中左右三營兵三千一百
十名艦舦參將水陸二營并蘭營新舊兵二千二百
三十八名凡五千三百四十八名盡由鹿港一口配

舟八里盆并無配載商人苦樂不均且帶弁有賠墊之苦亦難責其鈐束官與兵商三者皆不便亟宜量爲變通請以蘭艚滬尾北右四營中上府兵二千二百三十八名改由艚艚參將點驗自八里盆配渡徑入五虎門四營中下府兵與北協三營兵仍由鹿港如故其內地換班來臺應撥蘭艚滬尾北右四營者亦請以督標福協延建邵汀福寧長福海壇閩安羅源連江桐山楓嶺烽火諸營上府兵由督協或福協點驗合閩安協酌撥福寧烽火閩安諸營水師哨船配載有不敷合福防同知封僱商船協載均自五虎

門竟渡八里盆登岸由艚艚參將點驗分收各營仍如鹿耳門向例卽順載成滿各兵回內商船每兵一名減配官穀三斗惟蘭營中有興化兵數十名雖非上府而距福州甚近且素與漳泉兵不和請皆由省點驗配載成滿之日亦由艚艚參將點驗自八里盆配渡歸營如此則戍兵來往無跋涉之勞帶兵可免賠墊之苦而商船亦不致偏困之嗟矣文恪公如議奏入遂以施行

東槎紀畧

噶瑪蘭營都司署
在廳治西南南向舊為守備署嘉慶十八年守備黃廷耀建有庫局在大堂旁收貯軍裝甲械二十四年署守備工得鳳添建分防城北距廳治三十里在頭圍烏石港內舊為千總署正署三間左厨房右廂房嘉慶十八年千總翁得魁建二十一年千總黃廷泰重修千總二一存城汎在都司署左西向舊為把總署舍嘉慶十八年把總吳一捷奉建道光六年千總張煥增脩一在陸隆嶺汎距廳治北六十里舊為外委公所道光五年增修把總二一在溪洲汎距廳治南九里嘉慶十八年把總鄭廷貴奉建一舊為城汎道光五年移駐蘇澳口汎距廳治南五里未建

營署

噶瑪蘭營都司

在廳治西南南向舊為守備署嘉慶十八年守備黃廷耀建有庫局在大堂旁收貯

軍裝甲械二十四年署守備工得鳳添建

守備

分防城北距廳治三十里在頭圍烏石港內舊為千總署正署三間左厨房右廂房嘉慶十八年千總

翁得魁建二十一年千總黃廷泰重修

千總

二一存城汎在都司署左西向舊為把總署舍嘉慶十八年把總吳一捷奉建道光六年千總張煥增

脩一在陸隆嶺汎距廳治北六十里舊為外委公所道光五年增修

把總

二一在溪洲汎距廳治南九里嘉慶十八年把總鄭廷貴奉建一舊為城汎道光五年移駐蘇澳口汎

距廳治南五里未建

分防外委

七 外委四員內三員協防城汎一員隨防頭圍一員分防北關距廳治北四十里皆有公所

噶瑪蘭廳志

卷四下

武備營署

九

三開嘉慶十八年外委黃大鳳高鵬飛等分建又額外
外委三員內二員貼防城汛一員分防嘉禮遠汛距廳
治東二十七里嘉慶十八年額外
何繼祖鄭得順等皆建有公所

營房堆卡

兵房一百四間內城汛四十八間四門堆口十
二間頭圍汛十六間北關汛七間陸慶嶺汛五

間溪洲八間烏石港及三圍汛各三間嘉慶十七年通
判翟淦建頭圍汛房道光二年陸通判呂志恆重修

較場

演武廳在廳治南都司署右凡內外處所牌坊將
臺旗杆照牆箭道亭矮圍牆俱備嘉慶二

十四年署守備
王得鳳領建

火藥

局在都司署大堂旁

軍器

營莊

噶瑪蘭營隆恩莊田租二所共二百甲年額收穀四百石

一在東勢珍珠美簡歸漳墾戶管納

一在奇武老并馬賽一帶歸泉墾戶管納

附考

雍正八年總兵王郡奏 奉

旨

准恩給營中恤賞銀兩臺澎二處領到本銀槩就臺郡購

買田園糖廊魚塢等業各協營遴員經理於冬成徵

收稅穀糖筋稅銀其應納各縣正課仍依民間則例

交納所獲稅息以六分存留營中賞給兵丁游巡及

有病革退并兵弁拾骸扶襯等盤費以四分解交臺

臺灣府劃兌藩庫備賞成兵眷屬吉凶事件所截六分
租息每年除賞卹外所有盈餘存貯賞給期滿換回
班兵盤費其出入數目按年造冊送督撫提督藩司

核查在案

案此卽臺營
隆恩莊之始

乾隆九年奉

上諭外省鎮將等員不許在任所置立產業例有明禁在
內地且然況海外番黎交錯之地武員置立莊田墾種
取利縱無佔奪民產之事而家丁佃戶倚勢凌人生事
滋擾斷所不免朕聞臺灣地方從前地廣人稀土泉豐
足彼處鎮將大員無不創立莊產召佃開墾以爲己業
且有客民侵佔番地彼此爭競遂投獻武員因而踞爲
己有者亦有接受前官已成之產相習以爲固然者其
中來歷總不分明是以民番互控之案絡繹不休若非
徹底清查嚴行禁絕終非安輯番民之道着該督撫派

書山前為巡臺侍御前往會同巡臺御史等一一清釐凡歷任武職大員創立莊產查明並無侵佔番地及與民番並無爭控之案者毋論係本人子孫及轉售他人均令照舊管業外若有侵佔民番地界之處稟公清查民產歸民番產歸番不許仍前朦混以啟事端此後臺郡大小武員創立莊產開墾草地之處永行禁止倘有託名開墾者將本官交部嚴加議處地畝入官該營官通同容隱並行議處欽此

蘭營東勢隆恩莊其地有貓里府煙社其埔地十六段壹百零柒甲零陸陸叁毫捌絲又奇武老社埔地

二段玖拾貳甲玖分叁釐陸毫玖絲陸忽合為十八段貳百甲零柒絲陸忽乃由樹林低浦地角歪斜不堪陞科起則之地准通判翟淦移送册開經總兵武隆阿於嘉慶二十年開一給與漳籍墾戶陳受恩珍珠里簡貓里府煙武罕等荒埔捌拾柒甲捌分零壹毫肆絲一給與泉籍墾戶翁承輝奇武老等處荒埔壹百壹拾貳甲壹分玖釐玖毫叁絲陸忽聽其自備資本招佃開透限以三年期滿按照該處鄉斗每甲營中抽收二石以為班兵不時藥餌之需歷年造報容有不敷動用之處而舍此固無所謂營莊也查此

等埔段本近化番社地又低滄欹斜樹根滋蔓自非
聽該墾戶出資墾闢人力難施經費無出是以墾透
之後按甲雖收八石除由佃首散給該處社番口糧
劃起四石及該墾戶收領資息二石外營中得收二
石分限早晚兩季就所收本色穀永遠着由墾戶完
納割給串收爲據

戎政

講武

巡閱

軍裝

講武

遵禮直省講武以督撫提鎮爲闕帥每歲季秋霜降
日由令本標弁卒校閱於演武場前一日各營將弁
肅隊伍赴校場豫立軍幕屆日黎明軍士擐甲列陣
中軍建大纛於場正中闕帥以牲醴致祭行二跪六
叩禮中軍以下將士均隨行禮畢軍門鼓吹節鉞前
導闕帥徧閱行陣還登將臺升帳儀衛左右分列諸
將擐甲侍臺下中軍詣帳前上行陣圖式請令操兵
過舉旗麾眾合操臺下舉礮三軍中鳴角擊鼓步騎

甲士聞鼓聲依式前進鳴金則止行陣中施放鳥鎗
連環鎗並如

京營之制如若長槍藤牌刷刀短兵之屬各因其地之
宜以教士卒皆有成法其為陣有正有變每變陣既
將臺號纛為指揮之節臺上鳴角三乃鳴金振旅而
還閱畢試材官將士騎射技勇申明賞罰犒勞軍士
各釋甲歸營伍 水師操防之畧練習於四時其出
洋信候直省不同每歲春秋季月或夏秋之季遇潮
平風正日乘戰艦列陣張颿馭風鳴角發礮俱如軍
律

巡閱

會典綠營總兵於所轄各營歲一閱提督於所轄及
節制各標營視地遠近歲閒閒歲三歲一閱臺灣營
伍由將軍總督巡撫及水師陸路兩提督輪往巡閱
各省復定為分年查閱之法四年而徧由部開列領
侍衛內大臣都統及滿漢大學士尚書侍郎奏請
欽派福建浙江一人或即令該督撫查閱並候
欽定其奉

旨命督撫查閱者有總督省分歸總督辦理總督與巡撫
隔省一時難於徧歷者會商請

旨提督查閱之年總兵停止督撫查閱之年提督總兵停止查閱如

欽派大臣查閱則總督巡撫提督總兵並停止查閱

謹按滿洲兵分鑲黃正白鑲白為上三旗正藍正黃正紅

鑲紅鑲藍為下五旗八旗蒙古漢軍各旗制如之漢兵統名綠旗

國初定八旗之色以藍代黑黃白紅藍各位於所勝之方惟不備東方甲乙之色及

定鼎後漢兵令皆用綠旗是為綠營綠營兵在京屬巡捕

五營在十有八省者總督所屬為督標巡撫所屬為

撫標提督所屬為提標總兵所屬為鎮標成都將軍

所屬為軍標直省各將軍惟成都福州廣州所屬有綠營兵福州廣州不設專標河督

所屬為河標漕督所屬為漕標分其治於副將為協

叅遊都守為營千把外委為汛僅安兵丁者曰塘置

兵守宿者曰堆以慎巡守以備徵調叅吾學錄

軍裝 盔制 甲制 撒袋 佩刀 纛制

盔制 翎冑

會典冑以革髹漆或浴鐵前後有梁梁前橫鐵謂之

遮眉遮眉上謂之舞擎舞擎下謂之護額冑上謂之

覆碗碗上仰者謂之盔盤盤以植管管以受槍槍周

以纓垂於後者謂之護項左右謂之護耳其下謂之

護頸皆敷以棉或鐵鏃總督巡撫提督冑頂植鷓翎
二銜縷花金葉寶蓋盤座俱髹漆鍍金花及雲龍周
垂貂尾纓十二梁及舞擊亦髹漆鍍金雲龍護項護
耳護頸皆石青緞表藍布裏通繡蟒五中敷鐵鏃外
布銀釘繫石青緞帶二盃襯石青緞表藍綢裏頂緞
紅絨總兵官盃頂植熏獺尾副將盃頂植獺尾皆周
垂朱鼈寶蓋盤座前後梁及舞擊俱鍍銀雲龍餘並
如提督制參將以下盃垂朱鼈不鍍飾護耳護項護
頸不加繡文綠營兵盃護項護耳俱青布表月白裏
緣如表色不加采繡

甲制

會典甲上衣下裳衣左右謂之護肩護肩下謂之護
腋護肩末謂之袖裳間前爲前襠其左爲左襠裳幅
分左右凡十有一屬均敷鐵鏃敷棉者謂之棉甲敷
鐵鏃於外者謂之明甲督撫提鎮甲石青緞表藍布
裏中敷鐵鏃外布銀釘石青倭緞緣前後及護肩護
腋前襠左襠各繡團蟒一裳幅團蟒二護肩接衣處
鐵鏃二十髹漆鍍金龍條石青色副將以下甲前後
及護肩各繡團蟒一裳幅團蟒二前襠左襠各布銀
釘護肩接衣處鍍銀雲龍餘飾並如提鎮制綠營兵

甲青布表月白裏緣如表色

撒袋 卽橐鞬

會典撒袋以貯弓矢一二品官以革爲之白麕裏綠革緣加紅黃線三道各綴銀二懸革帶藍布裏前繫以鈎左右及後帶版各一帶及銀皆鐵質鍍金三品至五品官紅織絨裏帶及銀皆鐵質鍍銀塗金餘同一二品制六品以下官緣加紅黃線二道帶及銀皆銅質縷花餘同三品制兵丁黑革緣帶及銀皆銅質不縷花餘同六品制

佩刀

會典職官佩刀刃長二尺二寸闊一寸三分鑿爲鐵盤鍍金厚二分柄長四寸二分本質纏線藍色末鈗以鐵亦鍍金繫藍綬室長二尺五寸木質裹革飾皆鐵質鍍金兵丁佩刀飾皆黃銅餘如職官佩刀制

纛制

會典督撫提鎮纛綠色斜幅銷金雲蟒或飛熊繆長八尺旂徑五尺八寸旂及斜徑皆爲火燄形杆以竹槩朱長一丈四尺首冠鍍花鐵頂承以圓革注朱釐如綠緞影帶爲火燄形銷金雲蟒

武秩

陽瑪蘭營都司 駐劄蘭城蘭設守備 道光五年奉文添設

舊設守備

黃廷耀 閩縣人由行伍嘉慶十年四月初二日到補

賴日臣 長汀人由行伍南路千總十九年七月十一日署

黃廷耀 見前二十五日到任

王得鳳 建安人由行伍艦艍營千總廿三年六月廿五日署

翁朝龍 閩縣人由行伍鎮標右營補廿四年七月十二日

朱聯陞 閩縣人由行伍北右千總候陞道光元年十月署

翁朝龍 見前二年二月回任

陽瑪蘭營都司

武備 武秩

陽瑪蘭營都司 駐劄蘭城蘭設守備 道光五年奉文添設

裘朝龍 閩縣人 由行伍北中 千總 二年六月署

陳登高 晉江人 由行伍艦舡營 守備 三年七月調署

馬騰蛟 閩縣人 由武舉 五年四月調補

新添都司

張克賢 直隸清苑人 由行伍泉州安海汛裁缺都司 道光五年四月二十二日奉移添建到營

陳福龍 長汀人 由行伍北右 守備 八年三月署

徐學禮 長泰人 由武舉北中千 總 九年二月護升守備

武攀鳳 江蘇上元人 由武進士藍翎 侍衛 守備 十年七月陞補

黃鳳鳴 長汀人 由行伍本營頭 圍守 備 十一年二月署

張如玉 莆田人 由行伍艦舡營 守備 十一年五月署

余躍龍 四川人 由龔雲騎尉陞十二年 十月二十六日到任 升鎮中遊擊

黃廷邦 龍溪人 由行伍頭圍守備 十三年七月二十二日署

張如玉 見前 十四年五 月十九日再任

安定邦 四川成都人 由世職雲騎尉升延 平都司 十九年七月初五日任

張如玉 見前 十九年十 二月十一日再任

岑廷高 閩縣人 由行伍升北右守備 二十三年七月初六日署

李思升 山西代州人 由行伍授北中都 司 二十六年五月三十日調署

梁進亭 山西代州人 由兵部差官推升城守 左軍 守備 二十九年五月二十四署

董長潘 霞浦人 由武舉署本營守備 二十九年八月十六日兼署

朱鴻恩 閩縣人 由行伍薦陞斯缺 威豐元年十一月十二任

頭圍守備 舊設千總 道光五年奉文 改五圍守備 缺移建頭圍

頭圍守備

舊設千總 道光五年奉文 改五圍守備 缺移建頭圍

舊設千總

翁得魁

閩縣人 由行伍 嘉慶十年 閩縣人 廣東籍 由行伍 拔補

黃廷泰

閩縣人 廣東籍 由行伍 拔補

鄧高榮

建安人 由行伍 調補未到營

李陞

長汀人 由行伍 本營把 總道光四年八月署

薛大魁

閩縣人 由行伍 北右 把總六年三月署

新制守備

馬騰蛟

見前去 由在城守備 移駐頭圍 道光六年四月二十四日任

張燦

邵武人 由行伍 本營新 添十總六年十二月署

馬騰蛟

卷四

武備 武秩

三

黃廷邦 龍溪人由行伍艤舩營千總七年四月十一日調署

李陞 長汀人由本營千總八年四月署

黃鳳鳴 長汀人由南路守備九年五月調補

岑廷高 閩縣人由行伍本營千總十一年二月署

黃鳳鳴 見前十一月

吳廷標 長汀人由行伍本營千總十一年十一月署

王登寶 八年由行伍千總十三年三月二十五署

黃廷邦 見前十四年

陳天福 閩縣人由行伍千總十七年九月初一日代

許長明 建寧人由行伍嘉義千總十一月十八日署

張金泰 汀州人由行伍十九年三月初六日署

許長明 見前十九年九月二十六日再署

吳景芳 漳浦人由行伍本營千總二十二年九月十四日署

張金泰 見前

歐陽寶 晉江人由行伍艤舩營千總二十四年六月初八日署

蘇連捷 晉江人由行伍本營千總二十五年三月十一日署

湯得升 晉江人由行伍中千總二十八年六月初二日署

董長潘 霞浦人由武舉本營千總二十八十二月十一日署

黃遇春 德化人由行伍南路千總咸豐元年三月日署

關得麟 莆田人由行伍北右千總二年三月初一日署

存城千總

舊設把總道光五年新添千總以原缺把總移防蘇灣汛

舊設把總

吳一捷

閩縣人由行伍嘉慶十年四月初一日到營

林捷英

閩縣人由行伍二十二年十一月到

鄭寶

閩縣人由行伍二十四年三月到

林聯英

閩縣人由行伍二十五年三月到

官長茂

邵武人由行伍道光三年五月到

李陞

汀州人由行伍五年正月到

官長茂

見前六年正月再到

新添千總

張煥 邵武人由行伍道光六年七月到

李陞 見前由把總六年十二月代

吳廷標 汀州人由行伍八年正月到

李陞 見前九年五月再代

黃嘉榮 閩縣人由行伍九年十一月補

吳廷標 見前十年正月再到

陳天福 閩縣人由行伍總十年八月代

趙開麟 閩縣人由把總十一年三月代

岑廷高 閩縣人由行伍十一年五月到

陳天福 見前十二年二月代

岑廷高 見前十二年二月代

王登寶 連江人由行伍本營千總十四年五月到

陳鵬 見前十五年二月代

陳天福 見前十五年七月署

王登寶 見前十六年正月輪

陳鵬 見前十九年二月署

吳景芳 漳浦人由行伍千總十九年四月任

張捷魁 龍溪人由行伍雲霄營千總二十年正月調到

吳景芳 見前二十年正月輪

張捷魁 見前二十二年正月輪

吳景芳 見前二十三
年正月輪

張捷魁 見前二十四
年正月輪

蘇運捷 晉江人由行伍汀右千
總二十五年三月調到

黃球觀 福清人由武舉雲霄營千
總二十五年五月調代

江起標 甯洋人由武舉把總
二十七年正月署

鄭逢春 延平人由行伍本營外
委二十八年正月代

陳洪希 長汀人由行伍本營外
委二十九年正月代

黃連科 晉江人由行伍調本營外委
二十九年五月十六日護

吳得升 甌甯人由本營外委二
十九年八月二十二代

黃連科 見前 由外委本營
把總三十年正月署

楊得隆 雲霄人由行伍本營把
總咸豐元年二月署

黃連科 見前 二年三
月初 日輪代

薩隆嶺汛千總 舊派額外 禮遠口以頭圍千總移防於此 道光五年改建加

舊派額外

孫標 臺灣縣人 由行伍 嘉慶十年八月初八日到防

何繼祖 閩縣人 由行伍 十九年正月到

鄭得順 臺灣縣人 由行伍 二十年正月到

丁開輝 閩縣人 由行伍 十一年正月到

李維春 上杭人 由行伍 十二年正月到

魏朝標 閩縣人 由行伍 十三年正月到

蔣超 閩縣人 由行伍 十三年正月到

吳金龍 永定人 由行伍 十四年正月到

高馬蘭志

卷四下

武備 武秩 三

武備 武秩

江大海 邵武縣人 由行伍到

戴陞 邵武府人 由行伍到

張發龍 長汀人 由行伍到

姜世源 邵武府人 由行伍到

郭上榮 長汀人 由行伍到

薛大魁 閩縣人 由行伍到 北右把總 日代

黃嘉榮 閩縣人 由把總到

吳廷標 汀州人 由行伍到

郭飛鵬 龍溪人 由行伍到

黃嘉榮 見前八年四月再代

黃... 再代 人由外委

吳廷標 正月再輪

岑廷高 閩縣人 十二月到

陳天福 見前十月輪署

陳鵬 見前四月代

武備 武秩

月日
六日
九年

由行
拔雲霄千總
二月調到

吳景芳
二月十二年
月輪

張捷魁
二月十三年
月輪

吳景芳
二月十四年
月輪

李得寶
晉江人
由本營把總二十
五年三月二十五日委署

莊金鳳
晉江人
本營外委
二十六年正月代

黃球觀
見前
二十七年
正月輪防

陳玉梅
晉江人
由行伍拔本營
把總二十八年正月署

馮得隆
見前
三十
年正月署

連科
見前
咸豐元
年正月輪署

于應瑞
長汀人
本營額外
元年正月代出差

溪洲
蘇灣

汛把總部劄內從前千把皆指明汛地至
道光六年請准輪換以均勞逸

按蘭營額設千把各二員千總係存城與隆隆嶺汛
年一對換把總為溪洲蘇灣兩汛亦年一輪替以均
勞逸然每遇出差員缺則以把代千以外委額外代
把是該兩汛雖屬把總之名究多外額之代迴環更
替有一人凡五六見者致為參錯茲特標其汛日而
省其職名庶免紛紛贅敘云

武功

道光三年癸未秋七月刁匠林泳春黨拒山寨水師提督許

松年會陞守胡祖福陞倅呂志恆捕殺之

蘭故林密菁深自新闢後聽四方游手入山砍砮為

匠不以官方禁也惟中有樟料為戰艦需例由官給

資採辦節經臺道檄廳諭令領僱乃刁匠林泳春本

春以私煎樟腦獲利較盈不肯出頭領辦嘯聚四圍

大坡地割葵黨霸厝廳跣緝緣山後有小路兩條可

通淡艫一從萬順蔡拳頭母山出口該匪藉以負嵎且

其匪夥素無室家圍捕則潛踪遠遁寬恩則妄肆兇

橫自嘉慶戊寅開拷索廳役道光壬午秋抗官奪犯
勢漸鴟張擄人勒贖是歲三月念四日林泳春率林
黑等夥概將廳差吳合擄捉入山凌虐時護倅羅道
恐激成事端但請先爲清莊以觀聲息而小匠張釵
又復於頭圍擁搶料館頭圍署縣丞朱懋曾於四月
閒招其匠夥林萬九十八人具領認辦更假之倉居
以分其勢林泳春心懷忿恨卽欲擄萬人夥五月初
旬潛出頭圍遇廳營會捕而止羅道漸覺勢不能遏
與委員計議方告羽書而游擊張朝發已出哨回艦
六月戊戌朔林泳春約同江文魁八九十人持藤牌

執鎗刀入倉與林萬格鬪隨口稱驗傷趕至縣丞署
破壁而入闕堂塞署爲朱懋斥退而所請之兵尙未
派到也復聞林泳春阻絕樵採各於沿山暗伏地弓
以防偵探徧吹竹筒搭蘆爲巢以示設備而近莊民
受其鼓惑而指使者閒亦不少水師提督許松年適
以巡臺閱兵將次入蘭街正陳奠邦等隨赴中途呼
援松年初意未定徑許林泳春以投首不罪之札且
有兵役屈抑之處並准其呈明申理迨六月念日行
抵頭圍見林永泰繳札稱我堂兄林泳春必要免辦
軍工憲示勒石方肯出首松年意拂始令整備軍需

定念七日甲子出師松年駐劄中溪朝發由雞籠灣帶兵二百名抵蘭劄內旱溪十七日又益以蘭屬兵役義勇而松年猶於先三日閱兵之初特令淡紳林平候入山招撫林泳春死聽林笨主謀不出陞倅呂志恆莅蘭偵該匪已由內山竄至石壁仔後廿八日隨飭隘首在叭哩沙喃堵截一面分諭蘇灣居民一體防範又飭陳奠邦領帶鄉勇在適中處駐劄七月丁卯朔志恆接篆再懸重賞鼓勵軍民於時匪夥多由內山逃散惟林笨廖準潘違林進吳娥與林泳春結爲死黨不離左右中元夜廳差購線由乾溪山

脚先獲到林笨等五名林泳春如籠鳥釜魚十七日潛出窮谷遂擒之與陞守胡祖福會讞卽將林泳春梟決市曹總兵觀喜亦自彰化策應時截得李和等四名解歸審結於是酌籌船廠採辦工程山匠平十年歲秋八月夫匪林瓶等糾夥鬪殺總兵劉廷斌會署守王衍慶署倅薩廉剿之

蘭陽一蝸角耳兩夫者蘭陽之蠻觸也兩夫自嘉慶年初望風招墾入蘭爲役本皆赤手無賴之徒迨設官後良則散爲農毗而莠則流爲丐脚填街塞市爭運貨物動以血氣相逞於是挑夫之中又各自分氣

類曰和興曰福興和興以林瓶爲首其陳儼住西門
賴成住北門又有所謂和春者而統之亦謂之合興
福興以林備爲首其吳小棕在梅洲林面總在渡船
頭又有所謂興盛者而統之亦謂之復興此外又有
別號義興夥開福興分定地段包攬客商者大抵一
舖開張不先講定挑僱則兩號小夫登時爭鬪克威
甚於虎狼撻辱等於奴婢彼入其黨者但掛名簿輪
丁錢卽可以圖保生業否則欺辱侮弱挾怨尋仇中
路一呼須臾而千百響集雖衣食粗足之家不能別
有倚恃故農商工賈而外胥差亦援其聲勢累經地

方官化法兼權無如蔓延日久一旦不可以驟鋤乃
至人無與競出而自相殘逞矣歲庚寅三月有江舖
民者以瓦店一座賃經紀兩夫卽欲爭挑查蘭俗僱
工以該屋初豎柱者爲定江店從前蓋茅無憑定斷
署倅薩廉因令輪挑當堂拈鬮福興拈得本秋起挑
和興亦歎服經已遵結矣及八月八日江舖一開福
夫尙未及挑而和夫陳儼已黨陳水人眾到店力爭
彼此扭毆廳營正在查拏聞街鄰已爲勸散不虞其
勢之燎原也翌日甲午福夫雲集北門外勢不相能
和夫首林瓶聞知不平出糾陳儼與賴成諸衆分執

刀棍直趨渡船頭尋鬪林備林面總與林旺綱亦卽糾其福夥林微等持械出禦正當鎗斃和夫二命見廳營馳出截堵各卽解散林瓶不甘復於乙未丙申連日再糾莊瑞諒林爽等五十餘猛帶械尋鬪莊瑞諒見福夫林備旣糾吳小棕林面總及林發粿等四十餘猛又自發粿面總轉糾不識姓各持械迎鬪莊瑞諒亦卽轉糾十餘猛幫同喊殺是日和夫擁眾其在場而白手助勢者亦數倍於福夫故連斃二三十命且燬其巢而福夫潰矣廳營見兵力單薄彈壓不支飛請鎮府艦營兵一面移會淡防各於帶剿未齊

之先嚴率兵役極力捕撫自十二日丁酉解散人心稍定和夫猶乘勝竄食近莊兵雖解而民不能支至中秋日探知師至有期和夫扶病盡逃入叭哩沙喃將爲死守計也十八日癸卯署叅將周承恩先自艦帶兵二百名到蘭整備糧臺廿一日會廳督營直抵月眉圍焚其巢穴和匪逸入番山去而中途則已得賴成陳儼矣九月丙辰朔總兵劉廷斌督同叅將謝建雍帶領水陸兵三百餘名入山搜捕淡紳林平侯與焉越日署守王衍慶到蘭督拏初四日廷斌賞勵生番遺謝周二將由內山趕逐林瓶等擒解歸案而

福匪亦已自頭圍一帶陸續截得矣九日甲子撤營
是役也梟示者十四軍極邊者四十六間徒者四十
二充附近邊者二其餘各以罪差傲頑克而示震攝
傳觀者不啻千萬無不齊聲稱快和福興平

